

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina.banovici@bih.net.ba, Web: www.opcina-banovici.com.ba

Broj: 01-05-346/16- 5

Datum: 24. 03. 2016. godine

Na osnovu člana 64. stav 1. tačka b. a u vezi sa članom 70. Zakona o javnim nabavkama (Službeni glasnik BiH broj 39/14) člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) na osnovu Pravilnika o postupku dodjele ugovora o uslugama iz Aneksa II dio B. Zakona o javnim nabavkama (Službeni glasnik BiH broj 104/14) i Preporuke Komisije za javnu nabavku, 01-05-346/16-4 od 11. 3. 2016. godine u postupku javne nabavke usluga „Pružanje ugostiteljskih usluga za potrebe općinskog organa uprave općine Banovići“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-05-346/16-4 od 11. 3. 2016. godine i Ugovor za javnu nabavku usluga „Pružanje ugostiteljskih usluga za potrebe općinskog organa uprave općine Banovići“ dodjeljuje se ponuđaču RMU „BANOVIĆI“ d.d. Banovići, sa sjedištem u ulici Armije BiH broj 52. Banovići, prema cijenama izraženim bez obračunatog PDV-a u ponudi broj: 254/2016 od 3. 3. 2016. Godine.

Član 2.

Ugovor sa izabranim ponuđačem zaključit će se na period od jedne godine.

Član 3.

Prijedlog Ugovora o nabavci roba dostavit će se na potpis izabranom ponuđaču RMU „BANOVIĆI“ d.d. Banovići, sa sjedištem u ulici Armije BiH broj 52. Banovići, istovremeno sa slanjem Odluke o izboru najpovoljnijeg ponuđača.

Rok mirovanja se ne primjenjuje, budući da je u postupku sudjelovao jedan ponuditelj, čija je ponuda ujedno i odabrana, a sve u skladu sa članom 98. stavak 2. točka a. Zakona o javnim nabavkama (Službeni glasnik BiH broj 39/14).

Član 3.

Za provođenje ove Odluke zadužuje se i ovlašćuje Služba za opću upravu, društvene djelatnosti, boračko- invalidsku zaštitu i zajedničke poslove.

Član 4.

Ova Odluka stupa na snagu danom donošenja i objavit će se na internet stranici www.opcina-banovici.com.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Odlukom o pokretanju postupka javne nabavke usluga broj: 01-05-346/16 od 24. 2. 2016. godine donesenom od strane ovog organa pokrenut je postupak javne nabavke usluga „Pružanje ugostiteljskih usluga za potrebe općinskog organa uprave općine Banovići“.

Predmetna javna nabavka predviđena je Planom javnih nabavki općine Banovići za 2016. godinu, broj 01-05-1681/2015 od 28. 12. 2015. godine, evidencijski broj 140/16.

Predmetna javna nabavka pripada uslugama iz Aneksa II Dio B Zakona o javnim nabavkama (Službeni glasnik BiH broj 39/14) na koji se shodno članu 8. Zakona o javnim nabavkama primjenjuje poseban režim.

Javna nabavka usluga sprovedena je u skladu sa odredbama Pravilnika o postupku dodjele ugovora o uslugama iz Aneksa II dio B. Zakona o javnim nabavkama (Službeni glasnik BiH broj 104/14).

Procijenjena vrijednost javne nabavke bez PDV-a je 30.000,00 KM.

Poziv za dostavljanje ponuda broj 01-05- 346/16-1 objavljen na web stranici ugovornog organa www.opcina-banovici.com.ba dana 24. 2. 2015. godine. Ispravka TD objavljena na web stranici ugovornog organa dana 03. 03. 2016. godine

Komisija za javne nabavke imenovana rješenjem broj: 01-05-91/16 od 18. 1. 2016. godine, ovom organu dostavila je dana 14. 3. 2016. godine, Zapisnik o ocjeni ponuda broj: 01-05-346/15-3 od 11. 3. 2016. i Preporuku o izboru najpovoljnijeg ponuđača broj: 01-05-346/16-4 od 11. 3. 2016. godine u postupku javne nabavke usluga „Pružanje ugostiteljskih usluga za potrebe općinskog organa uprave općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nema neblagovremenih ponuda,

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz poziva za dostavu ponuda te u skladu sa principima i procedurom utvrđenima Zakonom o javnim nabavkama i Pravilnikom o postupku dodjele ugovora o uslugama iz Aneksa II dio B. Zakona o javnim nabavkama (Službeni glasnik BiH broj 104/14).

Iz zapisnika o ocjeni ponuda i preporuke proizilazi da je Komisija obzirom da u pismenom pozivu za dostavljanje ponuda nije predviđena obaveza pregovaranja kod izbora ponude na osnovu koje će biti dodijeljen ugovor, obrazložila svoj stav o osnovanosti dodjele ugovora bez pregovaranja i drugim uslovima ugovora, što prihvata i ovaj organ.

Komisija je na osnovu ocjene ponude istu ocijenila kao prihvatljivu i ovom organu dostavila preporuku da su predmetni ugovor dodijeli izabranom ponuđaču.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskim dokumentom.


Iz navedenih razloga, primjenom člana 64. stav 1. tačka b. a u vezi sa članom 70 Zakona o javnim nabavkama (Službeni glasnik BiH broj, 39/14) i odredbi Pravilnika o postupku dodjele ugovora o uslugama iz Aneksa II dio B. Zakona o javnim nabavkama (Službeni glasnik BiH broj 104/14), odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke dopuštena je žalba u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Svim ponuđačima
koji su učestvovali u postupku JN
- 1x U spis
- 1x a/a



OPĆINSKI NAČELNIK

Miđhat Husić